

# Polko Sokome Korete Qu Nakayáṅoní Tesalonaika Yendé Unipareko Nuno Uró Mande Kembé

Uni sokome ṅa nakayáṅaró ṅundo **Grik** mandewore nakayáṅaró, ko eneṅo owí nekaró, “Pol,” yaró. Uni ṅuko **asáṅowí uni** Pol nanṅe. (*1 Tesalonaika 1:1* weyo qembe.) Itaka iṅo-iṅo uni kumimbo ṅande ye iṅoyoteṅgo, ko enendo kumima naru 50AD quno ṅuno Akaia mirako Korin yendémo ṅuno nakayáṅoro riní Tesalonaika yendémo ṅuno uró. (Asa “50AD” murí muko ṅandiro, ko Yesu nimí pisiyaró, yate kumima naru 50 ṅunde rotaró. Nore kumima naru 2,000 ṅunde rotoro yate itaka yoteto.)

Polko naru kapusa ṅunoko Siria mira koro yendé ka, owé Antiok Siria, ṅu rotoro mira enesówore khete uyaro **miti mande** yesowoyaró. Asa ko naru irisayómo ṅuno, 48AD quno ṅuno peka, enendo Esia mirawore kho tero uyareyate Mediterenian windi takaro Masedonia mirawore uyaro Tesalonaika ṅuno kho tero **miti mande** yesowo yimitoyaró. (*Asá yerewí Uni 17:1* weyo qembe.) ṅunde tero Masedonia unipare qambu qundo iṅondutu taṅguri, quko Juda uni kumimbo saṅgiri tero kiro mande parámi yaṅguri. Yiṅo, Pol suwono mondó ta rotoro toṅeró. (*Asá yerewí Uni 17:10* weyo qembe.) Toṅero Beria yendémo

ηuno uyarero kho tero eneηo kho kopo Timoti ηuno rotoro, yate mira tapésina, Akaia mirako Atens yendémo ηuno uyareró. Imemoηgo Polko Atens rotoro toηero khe tukuni nanje howero Korin yendémo ηuno yoní Timotiko eneno mahero Tesalonaika uniparetoro piηa mande ka mironí sokome ηa nakayáηaró, peka. (*Asá yerewí Uni 18:5* weyo qembe.)

Tesalonaika yendé ηuko yendé parámi ka, Masedonia mira koro yendé korete qu. Windi tapémo yotoro khe parámi ka **Rom** noηgo yendé kewerowore Esia mira uyaró. Komo suki Grik unindo towanğurí, quko imemoηgo **Rom** unindo mahero ranğurí. Pol koro naruko ηuno Juda unipare qambu ηuya ηuno yoranğurí.

<sup>1</sup> Nore Pol, Sailas, Timoti, norendo sokome ηa nakayáηatowó. Nunde tero ye Anutu koro huru-huru qu\* tero Tesalonaika yendémo yoteηgo, Anutu Awandoya Uni Parámi Yesu Kristo koya womoyoteηgo qu, yeno uyarete. Anutuko samaka-samaka tuwó yunoní newonde ime yorowanğo.

*Polko Tesalonaika uniparetoro inğondutuye ηuro Anutu yunğunanğaró*

<sup>2</sup> Naru rokóηo norendo yeηo inğoro Anutu yunğunanğoyoteto. Nunde tero hariri teyoteto quno ηuno owéye nekoyoteto. <sup>3</sup> Yeηo inğondutuyembo okoko yiriní o meté qu teyoteηgo, ko unipare newonde meté yunoro koweyumu

---

\* **1:1:** “Anutu koro huru-huru” ηuko unipareto Yesu inğondutuwo ro hurowoyoteηgo qu.

enejo teyotengo, ko Uni Paráminani Yesu Kristo† soporo quhurí korowoyotengo. Naru rokóño norendo njuro injoro Anutu Awa yungunanyoteto.

<sup>4</sup> Uni topo, njande inoyoteto, ko Anutuko yejo hamó ino yunoro rokó yereró. <sup>5</sup> Dokoro norejo miti mandenani‡ nu kina mande qembe ye keweroyemo kama tunoqaró. Kini, mande nu mande kondé qembe tunoqiní Yuqa Surumímbo riní kondériní mande nu hamó inanjurí. Yendo njande inoyotengo, nore ye keweroyemo yotoro samaka yerewero otete meté mu nanje howatowó.

<sup>6</sup> Mande nu injo, quhurí parámi yeno tunoqaró. Quko norejo otetenani howero Uni Parámimboro oteteyó howi Yuqa Surumímbo wimbu yunoní ninju-ninju tero quhurí nu korowoyotengo. <sup>7</sup> Njunde korowoyi injondutu unipare Masedonia mirako, ko Akaia mirako§ yotengo qundo otete nu qenero howeyotengo. <sup>8</sup> Yendo Uni Parámimboro mandí yero yesowoyotengo njuko giramu piño niriyo njunde qembe. Niriyo nu Masedonia mira koya Akaia mira njuno

---

† **1:3:** “Yesu Kristo” - komo suki ye-ye unindo Anutuko uni ka rokóñoní mahero wiri yerete uni parámi horé tunoqeweya qu karo yanjurí. Juda unipareto uni maheweya nu, “Kristo,” ma, “Mesaia,” ye nekanjurí. Asa Yesu mahiní enejo unipareyo, “Kristo Yesu,” ma, “Yesu Kristo,” nanje ye nekanjurí. ‡ **1:5:** “miti mande” njuko Anutuko Kristo asáñoní khumoro quhurínanimboro kimo tiní Anutu koya newonde kanata tewero njuro mande meté mu nanje. § **1:7:** Masedonia mira njuko Akaia mira tanjimo yora, ko mira njuro yendé parámi kembé muko Tesalonaika yendé. Mira irisa-irisa njuko Grik unindoro miraye.

nanje kama usayeyote. Kini, mira soso nuno koro yeño inondutu Anutuware teyotengo nuro unipareto inoyotengo. Nunde nuroko nore o nuro yesowowero kho moré kini. <sup>9</sup> Dokoro enenombo nande yesowoyotengo, asa norendo yeno mahetowó quno nuno yendo topo te nunangurí. Nunde te nunoro anutu kota-kota rotoro rohoréjoro Anutu hamó mu suki-suki yorote quro sunará simóño tunoqangurí. <sup>10</sup> Ko eneño Nanuní sambo rotoro pitu umbuweya nuro sopoyotengo. Nanuní nu khumoníqo, Anutuko okokowoní otogaró. Nanuní nuko Yesu, enendo Anutu koro sangirí parámi nokono maheweya nu nongo nore noriní meté yowato.

## 2

### *Polko Tesalonaika yendémo nuno khoyó taró*

<sup>1</sup> Uni topo, ye nande inotengo, nore keweroyemo yotoro kho teyatowó nuko kina kama tunoqaró. <sup>2</sup> Kini, nande inotengo, komo Filipai yendémo unipareto o pi-piyimi te nunoro mande piyimi ranangurí. Quko Anutunanimbo newondenani samakanjoro wimbu nunoní sangirí unindoro kama soratowó. Kini, ye keweroyemo nyaya quhurí koroworo kondé kanjero, yate-yate Anutu koro miti mande\* nu ye yimitoyato. <sup>3</sup> Dokoro mande yeyoteto nuko kota mande kini, ko newonde piyimi kama howeyoteto, ko kaná yerewero kama yeyoteto. <sup>4</sup> Kini,

---

\* **2:2:** “miti mande” nuko Anutuko Kristo asáñoní khumoro quhurínanimboro kimo tiní Anutu koya newonde kanata tewero nuro mande meté mu nange.

Anutuko noreño metéjoro mandí wisiyowero quro kho nunoní miti mande ñu yeyoteto. Quko unindo khonanimboro metéjowañgo ñuro kho ñu kama teyoteto. Kini, Anutuko newondenani gene rondañaró, asa ko enendo khonanimboro metéjoweya ñuro teyoteto. <sup>5</sup> Dokoro mande enesó-enesó yero ye kama kaná yeretowó, ñu ye injomukotenjo. Ko Anutuko meté tunomo ñande yesowoweya, ko norendo mone rewero quro mande ñu kama yimiratowó. Kini. <sup>6</sup> Ko yembe ma uni meyowombe seré te nunowero quro mande ñu kama yimiratowó.

<sup>7</sup> Hamó, nore Kristo† koro asá yerewí uniyó tero quhurí ye yunowero owénani moré peka. Quko keweroyemo mondó ta yoratowó, pareto simó susu yunoyotenjo ñunde qembe yoratowó. <sup>8</sup> Norendo yeño kondé inoro Anutu koro miti mande ñu rero ye yunatowó. Ñu nanje kini, noreño yoto-yotonani soso ñuya rero ye yunato noreño topo-toponani hamó horé tunoqangurí. <sup>9</sup> Dokoro, uni topo, ye inotenjo, koweyumu parámi horé teyatowó. Hamó, Anutu koro miti mande yesowoyatowó. Quko ñuya nore kosa suwo rokóñoro mone kho meyowo tatowó. Ye wutu nerero quhurí ka korowowañgo koro.

<sup>10</sup> Ye ñuya Anutu ñuya noreño otetenani meté tunomo yesowowañgo. Ye inondutu unipare keweroyemo yoratowó quño ñuno Anutu koro

---

† 2:7: “Kristo” ñuko Yesu nanje, asa Anutuko rokóñoni mahero wiri yerete uni parámi horé tunoqaró ñu.

otete nanje, otete ronenejowí† nanje, otete Anutu koro tonjimo sara qu nanje howatowó. <sup>11</sup>Ye injotenjo, norendo awa kato simómboro teyote njunde nanje o meté te yunoro <sup>12</sup>rukiso yerero newondeye samakanjatowó. Mande tunomo yato Anutu enenjombo neko yirini enejo unipareyó wiri yereyote naruyómo§ ari owé parámi yunaró. Njunde nanje ye enejo murí howero khe uyare mahe tewanjo.

<sup>13</sup>Njunde njuroko naru rokóhoro Anutu yungunanoyoteto. Dokoro yendo enejo mandí njumanjonani monjo ranjuri quno njande kama yanjuri, njuko unindoro mande qu nanje. Kini, Anutu koro mande hamó mu reyanjuri. Mande njundo nanje ye quroko kho tini Yesuwore injondutu teyotenjo. <sup>14</sup>Dokoro, uni topo, yeko Anutu koro unipareto Judia mirako yotoro Kristo Yesu\*\* koya womoyanjuri njunde qembe. Dokoro enejo sitú topo-topoyembo quhuri parámi te yunoyotenjo. Njunde nanje yejo sitú topo-topoyembo quhuri parámi ye te yunoyotenjo. <sup>15</sup>Juda uni njundo Uni Parámi Yesu uroyi khumaró, ye-ye uni†† yuroyi khumanjuri, ko

---

† **2:10:** “otete ronenejowí” njuko Anutuko nore rokó yirini norejo murinani enejo murí howeyote. § **2:12:** “Anutuko unipareyó wiri yereyote naruyómo” njuno injondutu unipareko hamó Anutu kusunjóyomo yowanjo. \*\* **2:14:** “Kristo Yesu” - komo suki ye-ye unindo Anutuko uni ka rokóni mahero wiri yerete uni parámi horé tunoqeweya qu karo yanjuri. Juda unipareto uni maheweya nj, “Kristo,” ma, “Mesaiya,” ye nekanjuri. Asa Yesu mahini enejo unipareyó, “Kristo Yesu,” ma, “Yesu Kristo,” nanje ye nekanjuri. †† **2:15:** “ye-ye uni” njuko Anutuko mandí yunoni unipare yunanjuri.

nore n̄uya yohowaŋgurí. Anutuko eneño oteteye n̄uro piyimiñote, ko uni n̄undo unipare soso koya saŋgirí te yunoyoteŋgo. <sup>16</sup> N̄unde tero enendo nore uni wini meyowo<sup>††</sup> miti mande yimirato rambaruru takawaŋgo n̄uro yero soré neren̄gurí. N̄unde tero eneño quhuriye soso ri maŋgorete. Anutu koro newonde saŋgirí riní mahero eneya yorote.

*Polko Tesalonaika unipare yiyowero quro kondé inaró*

<sup>17</sup> Asa uni topo, naru tukuni quroko n̄uno kowenani sewemo yoteto, quko newondenani yeno yorote. Asa ko newonde surumí parámi tero yeño umu-kembaye qenewero quro oreyó seqaro kho kondé teyoteto. <sup>18</sup> Hamó, nore yeno mahewero in̄oyoteto, no Pol, nondo naru kumimo yeno mahewero quro kho kondé teyanowó. Quko Monimbuko kusi nereyara. <sup>19</sup> Qeni, Uni Paráminani Yesu pitu ko n̄ano yoweya quno n̄uno do kato nore noriní o meté n̄uro sopro niŋgu-niŋgu tero kimo meté mu rero eneño toñímo kañewato? Murí n̄uko ye nan̄ge. <sup>20</sup> Iyo, yeñomboro nore owé parámi reyoteto, ko yeñomboro niŋgu-niŋgu teyoteto.

### 3

<sup>1</sup> Norendo yeño piña mandeye ka in̄owero quro kondé in̄oro, yate-yate noremata Atens\* yendémo

---

<sup>††</sup> **2:16:** “uni wini meyowo” n̄unde quko Juda unipare kini qu nan̄ge. \* **3:1:** “Atens” yendé parámi n̄uko Akaia mira koro yendé ka. Akaia mira koya Masedonia mira taŋgímo yora, ko mira irisa-irisa n̄uko Grik unindoro miraye.

nange yotoro <sup>2</sup> Timoti asáŋaro yeno uyaró. Timoti noreŋo toponari, enendo Anutu koya kho kopo tero Kristo ŋuro miti mande† yero wisiyote. Wimbu ye yunoro inondutuye riní kondérewero quuro asáŋaro yeno uyaró. <sup>3</sup> Kowe surumí piyimi noreno tunoqaró ŋaro ye inondata parámi tewango koro. Dokoro yeŋombo ŋande inotenŋo, ko Anutuko o kowe surumí ŋunde qu korowowero quuro nore rokó nereró. <sup>4</sup> Nore yeya yotoro ŋande yimitoyatowó, o quhurí enesó ŋuko noreno tunoqeweya. Ye hamó ŋande inji qembe, naru piyimi ŋu hamó tunoqaró. <sup>5</sup> Ŋu murí ŋuro nange no yeŋo piŋa mandeye inowero kondé inoro Timoti asáŋowe yeno uyaró. Ŋuro tero no yeŋo inondutuye date yote ŋu inowano. Monimbuko towo yiriní kho tatowó ŋu kinange piyo taró, peka.

*Timotiko Tesalonaika unipare ŋuro piŋa mandeye meté mu Pol miraró*

<sup>6</sup> Timoti ye yorotoro itaka ka noreno mahete ŋa. Enendo piŋa mande meté yero ŋande nore nimitoyote, ko yendo inondutu kondé tero uni meyowomboro hamó horé inoyotenŋo. Ko naru rokóŋo noreŋo meté ino nunoro niyowero ŋuro inoyotenŋo. Ŋunde nange norendo ŋuya ye yiyowero inoyoteto. <sup>7</sup> Ŋu murí ŋuro, uni topo, quhurí piyimi korowoyoteto quuno ŋuno newondenanimbo wimbu reyote. Dokoro

---

† 3:2: “miti mande” ŋuko Anutuko Kristo asáŋoní khumoro quhurínanimbororo kimo tiní Anutu koya newonde kanata tewero ŋuro mande meté mu nange.



ņande iņoyoteto, yeņo iņondutuye kondé teyote. <sup>8</sup> Iyo, yendo Uni Parámi quroyómo yotoro kondé kaņeyoteņgo. Nunde ti itaka noreņo yotoyotonani muko meté horé tunoqete. <sup>9</sup> Dokoro yeņo oteteye meté ņuro iņoyato Anutuko niņguniņgu parámi nunoní parámi yuņgunañoyoteto. <sup>10</sup> Kosa suwo rokóņoro uyaro ye yiyato yero hariri kondé teyoteto. Uyaroqo samaka yereto Kristo† koro o ņu soso iņomukowaņgo.

<sup>11</sup> Meté Anutu Awananimbo, ko Yesu, Uni Paráminani ņundo, khe ka re nunoriqo, yeno uyarewato. <sup>12</sup> Uni Parámimbo yeņo uni topoyemboya uni soso koya newonde meté yunowero oteteye ņu riníka norendo ye newonde yunoyoteto ņunde qembe parámi tunoqini. <sup>13</sup> Enendo newondeye rukisoyoní Yesu, Uni Paráminanimboya unipare meté horéņomboya§ mahewaņgo quno ye Anutu Awanani tojimo unipare meté horé tero, potóye moré kini yuri.

## 4

*Khe u-unani howatoqo, Anutuko ņuro metéņoweya*

<sup>1</sup> Nunde ņuroko, uni topo, mande ka yote. Komo ņande yimiratowó, Anutuko otete ņuro metéņoyote ņu naņge howi qembe. Itaka ye ņunde naņge teyoteņgo, quko Uni Parámi Yesu

---

† **3:10:** “Kristo” ņuko Yesu naņge, asa Anutuko rokóņoni mahero wiri yerete uni parámi horé tunoqaró ņu. § **3:13:** “unipare meté horé” ņuko oteteye soso muko meté naņge kini. Kini, owé ņu “unipare meté horé” ņuro murí muko ņandiro, “Anutu koro unipare” naņge.

quroyómo ñande rukiso yereyoteto, watí-watí hamó howeyuri qembe. <sup>2</sup> Dokoro mande soso Uni Parámi Yesu owímo re yunatowó ñu ye ñjomukotenggo. <sup>3</sup> Qeni, Anutu koro ñjo-ñjo ñuko ñandiro. Ye unipare meté horé tero se simbururu ma tewero. <sup>4</sup> Kini, ye soso Anutu ñjoro otete meté howero koweye sajaní sopoyi qembe. <sup>5</sup> Kape unindo\* Anutu kama ñjondutuworro se simbururu kondé teyotenggo. Ye koweye sajaní sopro otete ñu ma howewero. <sup>6</sup> Ye uni topo-topoye kaná yerero otete piyimi mu pareyemboya ma tewero. Komo norendo ye kondé ñande yimiratowó. Uni Parámimbo uni otete ñunde qu teyotenggo ñu mande khono yorotoweya. <sup>7</sup> Anutuko ye otete pusú ñu tewero quro kama neko yereró. Kini horé. Otete meté horé qu tewero quro neko yereró. <sup>8</sup> Ñunde ñjuro uni mande ña wendaqeyote ñuko unindoro mande qu kama wendaqeyote. Kini, ene Anutu koro mande qu wendaqeyote, ñu Anutu ñuko ye Yuqa Surumí yunoyote.

<sup>9</sup> Asa itaka norendo mande ñande qu kama nakayáñowato, ko ye uni topo-topoye newonde meté yunoyi qembe. Dokoro, Anutuko otete meté ñjuro ñjo-ñjo yunaró ñu. <sup>10</sup> Hamó, ye Masedonia mira soso ñjuno Anutu koro unipare ñjuro newonde meté yunoyotenggo. Asa uni topo, ñande rukiso yereteto, otete ñu hamó watí-watí teyuri qembe. <sup>11</sup> Ko mondó ta kunditewero khe qu kondé seqaya yeño oteteye nanje sopoyi qembe. Yeño o qoyembo ro kho ti qembe, komo norendo

---

\* **4:5:** “kape uni” ñuko Israel koro Anutuye ñu kama ñjo howeyotenggo.

yimiratowó ηuno qu. <sup>12</sup> Nunde ηuro ye o karo kama tukuni tewango, ko kape uni ηundo yeηo oteteye ηuro metéηowango.

### *Uni Parámi maheweya*

<sup>13</sup> Uni topo, uni topo komo khumaηgurí quro do ka tunoqeweya ηuro yatoka inoyi. Asa unipareto o meté ηuro kama sopoyotenjo qundo newonde surumí teyotenjo. Quko ye ηu ma tewero.

<sup>14</sup> Dokoro norendo, Yesu khumoro pitu ko otogaró, yero inowato tiníqo, ηuya ηande inowato, Anutuko unipare Yesu inondutuwoyotenjo qu komo khumaηgurí ηu pitu ko eneya yoriní mahewango. <sup>15</sup> Dokoro norendo Uni Parámimbo mande yaró ηu howero ηande ye yimitoyoteto, ko Uni Parámi pitu maheweya quno ηuno nore toηe keta yoroteto qundo koretero kama uyarewato.

Kini, uni khumaηgurí ηundo koretero uyariqota norepa nanje tukú uyarewato. <sup>16</sup> Dokoro koretero sambo simó† kondé nekero mande kondé yiní Anutu koro uηgu yiní Uni Parámimbo sambo rotoro umbuweya. Nunde tiní unipare Kristo inondutuwoyate khumaηgurí ηundo koretero otogowango. <sup>17</sup> Ko nore toηe keta ηano yoroteto qu, unipare khumaηgurí ηuya koporé saηawore oro samboko Uni Parámimboya kopowato. Nundiro nanje Uni Parámimboya suki-suki yorowato.

<sup>18</sup> Nunde ηuro ye mande ηa yero Anutu koro unipare qu rukiso yereyuri qembe.

---

† **4:16:** “sambo simó” ηuko komo suki-suki Anutuko unipare kama yoriní tunoqi sambo simó yondowaró. Ko itaka eneηo sunará teyotenjo.

## 5

### *Uni Parámi maheweya quro rongaruwi qembe*

<sup>1</sup> Asa, uni topo, do naru o ñu tunoqeweya ñuro kama nakayáñowano. <sup>2</sup> Dokoro ye ñande ñjomukotenjo, Uni Parámi pitu maheweya naru ñuko mondó ta maheweya, momo unindo maheyote ñunde qembe. <sup>3</sup> Kumimbo ñande yewango, nore meté yoteto, sañgiri moré kini, yewango. Quko watí yewango quño waka ta horé rambaruru mahini piyo tewango. Rambaruru ñuko pareto simó pisiyoro kowe surumí tetenjo ñunde qembe, ko takawero mepémo kini.

<sup>4</sup> Quko uni topo, yeko huririko kama yotenjo. Asa ko yeño naru ñuko momo uni ñunde qembe kama maheweya. <sup>5</sup> Dokoro yeko hiyómboro simó ko kosa naru koro simó. Noreko suwo koro simó kini ko huriri koro simó kini. <sup>6</sup> Ñunde ñuroko ma etewero. Uni meyowo ñundo ñunde teyotenjo. Kini, meté nore kape-kape kama tewero, sopo tonjete yowato. <sup>7</sup> Dokoro suwono nanje unindo eteyotenjo, ko suwono nanje sono nero kape teyotenjo. <sup>8</sup> Quko noreko hiyómboro simó. Ñunde ñuro kape kama tewato. Ñunde tero ñondutu tewero otete ñu rero newonde meté yunowero otete ñu rero irisa-irisa kawaware nerewero sosoko qu ñunde qembe punuwato. Ko Anutuko nore rambaruru konjo noreweya ñuro ñoro sopowero otete ñu rero takapu kondé ñunde qembe punuwato. <sup>9</sup> Dokoro Anutuko piyo tewero quro nore kama rokó yereró. Kini, noreko Uni

Paráminani Yesu Kristo\* koro unipare. Nunde űuroko Anutuko rambaruru konggo noreweya. <sup>10</sup> Kristoko nore samaka yerewero khumaró. Nunde tiní norendo tonje keta yorowatope ma khumatowó, imemongo eneya yoto-yoto rewato. <sup>11</sup> Nunde űuroko uni topo-topoye rukiso yereya newondeye wimbu inoyuri qembe. No inoteno, ye itaka nunde nanje teyotengo.

*Oresaka mande kumi*

<sup>12</sup> Uni topo, o karo kira yereyoteto. Anutu koro kho uni ye keweroyemo koweyumu teyotengo űu ará te yunoyi qembe. Uni Parámimbo owéye yunoní ye ronǵaru yereyotengo. <sup>13</sup> Enejo owéye hokoya newonde meté yunoyuri qembe. Dokoro enendo Anutu koro kho qu teyotengo. Ye soso topo-topoyemboya newonde sanǵirí ma tewero, newonde imemo nanje yuri qembe. <sup>14</sup> Uni topo, mande kondé nande yimiroto, wimbuma uni űu ronǵaru yiri qembe, uni sasaro teyotengo űu rukiso yiri qembe, uni wimbuye moré kini űu samaka yiri qembe, uni soso quya mondó ta yuri qembe. <sup>15</sup> Qeni, o piyimi te yunoyotengo űuro topé ma tewero. Kini, naru rokóño uni topo-topoyemboya uni soso koya o meté te yunoyuri qembe.

<sup>16</sup> Naru rokóño ninǵu-ninǵu ti qembe. <sup>17</sup> Hariri tewero otete qu űu ma rotowero. <sup>18</sup> O soso űuro

---

\* **5:9:** “Yesu Kristo” - komo suki ye-ye unindo Anutuko uni ka rokóñońi mahero wiri yerete uni parámi horé tunoqeweya qu karo yanǵurí. Juda unipareto uni maheweya űu, “Kristo,” ma, “Mesaiya,” ye nekanǵurí. Asa Yesu mahini enejo unipareyó, “Kristo Yesu,” ma, “Yesu Kristo,” nanje ye nekanǵurí.

Anutu yuṅganaṅi qembe, dokoro Anutu koro iṅo-iṅo ṅuko ṅandiro, yendo Kristo Yesu† oteteyó howewango.

<sup>19</sup> Anutu koro Yuqa Surumí quroyemo yote ṅu ma winzumowero. <sup>20</sup> Ye-ye uni‡ ma yesarangoero. <sup>21</sup> O soso towonoro o meté qu nanḡe towoyi qembe. <sup>22</sup> Murí piyimi kate-kate ṅuro sorero kapiyamo yuri qembe.

<sup>23</sup> Asa Anutu newonde ime yunoyote ṅu enenombo yorini uni meté horé hamó tunoqi. Anutuko yuqaye, newondaye, koweye kondé sponí Uni Parámi Yesu Kristo pitu ko ṅano maheweya quno ṅuno potóye moré kini ti. <sup>24</sup> Ye neko yereró qundo mande yaró ṅu nanḡe howeyote. Njunde ṅuroko ṅundiro nanḡe teweya.

<sup>25</sup> Uni topo, neneṅo hariri ti qembe. <sup>26</sup> Topo-topoye yiyoro epe yuṅgana-yuṅgana ti qembe. <sup>27</sup> Uni Parámi owímo ṅande yimiroteno, uni topo soso kopo yereya sokome ṅa weyoyi qembe.

<sup>28</sup> Uni Paráminani Yesu Kristo koro samaka-samaka tuwóṅ§ ṅu yeya yoní.

---

† **5:18:** “Kristo Yesu” - komo suki ye-ye unindo Anutuko uni ka rokónoní mahero wiri yerete uni parámi horé tunogeweya qu karo yangurí. Juda unipareto uni maheweya ṅu, “Kristo,” ma, “Mesaiya,” ye nekanḡurí. Asa Yesu mahini eneṅo unipareyó, “Kristo Yesu,” ma, “Yesu Kristo,” nanḡe ye nekanḡurí. ‡ **5:20:** “ye-ye uni” ṅuko Anutuko mandí yunoní unipare yunangurí. § **5:28:** “samaka-samaka tuwó” ṅuko Anutu enenombo nore samaka yereyote. Kimoyó moré kini.

**Iyo New Testament**  
**The New Testament in the Iyo Language of Papua New Guinea**  
**Nupela Testamen long tokples Iyo long Niugini**

copyright © 2009 Wycliffe Bible Translators, Inc.

Language: Iyo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

---

PDF generated using Haiola and XeLaTeX on 11 Nov 2022 from source files dated 9 Oct 2020

eeccd6a2-c477-5b9f-9623-cf07dbead483